

Ornithogal. erioph. Peruvianum F. non vidi; fortè est sola varietas *Scillæ* 4^{ta} Hort. Cliff.

Phalangium parvum ramosum * est *Anthericum* foliis gramineis, corollis planis, deciduis, filamentis glabris.

Trianthemæ et *Buxbaumia* characteres egregiè composuisti; utinàm liceret videre plantas! Semina multa misisti præterito anno, quæ non prodière. Dolco maximè quòd *Buxbaumia* non orta sit. An non hæ duæ species à nullo authore delineatæ? *Barbæ Jovis* character non sufficit; utrùm distinctio sit generis, ego non dicam, qui nunquàm vidi.

In oratiunculâ, p. 20, *Norlandi* (nunquàm *Lappones*) laborant scorbuto, ab harengo salso, illis *Stromming*, quo in omni cænâ utuntur. *Lapponum* colica spasmodica, ab aquæ frigidæ potu è fontibus gelidis paludum; *Gothlando*, hypocondriaci ab aquâ calcareâ. *Vestrobolnenses* feminae pariunt omni anno, sed nati plerumque moriuntur ab acido in primis viis, abdomine duro, excrementis viridibus, quòd matres nunquàm præbeant ubera, sed dant aniculæ quæ, infuso pane in aquâ et lacte illos nutriat. Epileptici in territorio *Verns Smolan-*

* La botanique ne connaît que le *Phalangium Ramosissimum* et le *Ramosum*.